


2020rako IKUSPEGIA



2020an garena:

*Udalerri atsegina eta erakargarria pertsonentzat,
gizalegearen eta elkartasunaren balioetan hazten ari dena,
munduarekiko eta berrikuntzarekiko jarrera irekiarekin, sustraiak eta
herri-izaera galdu gabe,
eskualdeko ikuspuntutik egituratutako lurralde- eta
ekonomia-eredua duena,
ingurumenean eredugarri eta erreferentziazkoa,
gizarte mailan kohesionatua, barneratzailea eta bidezkoa,
bere garapen osoa ingurumen, gizarte eta ekonomia alorren arteko
orekan oinarritu duena, herritarrak udal politikaren eguneroko
protagonista aktiboak bihurtu direlarik.*

Ikuspegiaren adierazpena honelakoa da:

Udalerri atsegina eta erakargarria pertsonentzat:

Durango herri hobia eta erakargarriagoa da alderdi guztietan, eta herritarra da sistemaren ardatza. Udalerri atsegina dela ikusten da, non pertsonak gustura dauden, bertoko izatearen sentimendua sendoa da eta herritarrek komunitate-proiektuaren protagonista direla ulertzen dute.

Gizalegearen eta elkartasunaren balioetan hazten ari da:

Durango herriarrek berezko dituzte gizalegearen eta elkartasunaren balioak. Horrela, komunitateak badaki bere "betebeharrak eta eskubideak" zeintzuk diren eta erantzukizunak onartzen ditu. Are gehiago, balio horiek agerikoak dira ingurumenarekiko jokabidean, partekatzen den ingurunearekiko eta lekuarekiko errespetuan eta baita ere Durango elkarrekin bizi diren pertsona guztiekiko errespetuan.

Munduarekiko eta berrikuntzarekiko jarrera irekia, sustraiak eta herri-izaera galdu gabe:

Durango gizarte dinamikotzat jotzen da, kanporantz irekia, eta ingurunearekin lankidetzan ari da datozkion erronkei aurre egiteko, aldaketaren beldurrik gabe, jarrera berritzaileaz. Haatik, ez du bere jatorria ahaztu eta berezko izaerari eusten dio. Horrela ikusten da herriko kaleetan eta auzoetan sortzen eta aurrera eramaten den jardunean, elkarrekin sendoak sustatzen duen horretan. Era berean, kultur erreferente izaten jarraitzen du. Eta belaunaldi berriak

eleanitzak badira ere, Euskara Euskal Herriko hizkuntza propioa dela sentitzen dute eta euren kultur balio nagusitzat dute.

Eskualdeko ikuspuntutik egituratutako lurralde- eta ekonomia-eredua:

Durango berezko ingurunea dela ulertzen da, non bertoko erakundeak eta elkarteak lankidetzan ari diren garapen ekonomikoaren eta lurralde-ereduaren esparruetan sinergien eta lankidetzaren prozeduren bidez.

Horrenbestez, Durango eremuan, eskualdeko buru den aldetik, Durango ekonomia dibertsifikatuaren alde egiten du, tokiko produktuaren alde, merkataritza-ehun sendoa defenditzen du eta jardura ekonomiko eta lanpostu iraunkorrak sortzea.

Era berean, iraunkortasun-irizpideen arabera Hiri-antolamendurako Plan Nagusia onartu izanak artifizialtze-ekintzak murriztea ahalbideratzen du, eskaintza benetako eskarira egokitzea, erabiltzen ez diren guneak berreraikitzearen alde egitea eta ingurune naturalaren babesa bermatzea. Are gehiago, planteamenduak hirigintza bateratzailea eta integratzailea finkatzen du. Ildo horretan, erabilera mistoak sustatzen ditu, eta hirigintza-araudiak berak energiarekin eta klima-aldaketarekin lotutako helburuetara lotzen ditu zaharberritze- eta eraikitze-ekintzak.

Bestalde, Durango unibertsalki eta era intermodalean irisgarria dela ikusten dugu. Oinezkoak eta bizikletak dira protagonista, eta aldi berean, indartu egin da barruko eta kanpoko garraio publikoaren sistema.

Ingurumenean eredugarri eta erreferentziazkoa:

Agenda 21 ekimenaren barruan 2007an ekindako bideari jarraituz, Durango erreferentziazko bilakatu da beste herri batzuentzat, ingurumen-bektoreetan izan dituen lorpenengatik. Ildo horretan, aurrera egin da energia-eraginkortasunean eta -kontsumoetan, eta baita ere energia berriztagarriak abian jartzen; gora egin du etxeko hondakinen birziklapen-bolumenak, Bizkaiko Hondakinen Planaren helburuak bete dira eta hondakin organikoak ere birziklatzen dira; ibaien eta erreken kalitate ekologikoa hobetu egin da; berotegi-efektua eragiten duten gasak murriztu dira; kutsadura elektromagnetikoaren inguruko ardura areagotu egin da; ur-kontsumoa eta galera-bolumena gutxitu dira; eta bukatzeko, behera egin du kutsadura akustikoak eta baita usainek eragindakoak ere.

Gizarte mailan kohesionatua, barneratzailea eta bidezkoa:

Gizartea esparru guztietan egituratzen duen ardatzetako bat da berdintasuna. Halere, Durango herri anitza da, eta errespetuaren eta kultura-artekotasunaren balioek egituratzen dute elkarbizitza. Halaber, gizarte-desberdintasunak zuzentzeko lanean ari dira, "ikusten ez diren oztopoak" ezabatuz, eta modu horretan, gizarte-kolektiboen artean aukera-berdintasuna bermatu nahi da.

Garapen osoa ingurumen, gizarte eta ekonomia alorren arteko orekan oinarritu duena:

Aurrerapausoak ematen ari dira iraunkortasun-irizpideak udal-kudeaketan sartzeko, iraunkortasunaren kontzeptua bi zentzutan ulertuta: batetik, iraunkortasun-irizpideak zeharka sartuz politika eta programetan, irizpide ekonomiko, sozial eta ingurumenekoen arteko oreka mantenduz, eta bestetik, kudeaketa kontzeptu holistiko modura hartuz, efizientzia eta eraginkortasun irizpideei jarraiki eta emaitzak lortzera bideratuta.

Herritarrek udal politikaren eguneroko protagonista aktiboak bihurtu dira:

Durango "politika-kultura" berri baten alde egin da, demokrazia aktiboan eta administrazioen arteko koordinazioan eta lankidetzan oinarritutakoa. Ildo horretan, herritarrek hurbileko erakundetzat dute Udala, eta parte-hartze aktiboa sustatzen duela uste dute. Are gehiago, "gobernu onaren" paradigma gisa aurrera egin da gardentasunari dagokionez, eta politikak sistematikoki ebaluatuz egindakoaren kontu ematen zaie herritarrei. Horretarako, parte-hartze eredua diseinatu behar izan da Durangorako, parte hartzeko moduak eraberrituz.

Aldaketa horri esker Udalaren barruko koordinazioa hobetu egin da eta Tokiko Agenda 21en eta beste politika batzuen zeharkakotasuna ahalbideratu da. Era berean, eskualdeko herrien arteko lankidetzaz eta erakundeen artekoa sendotu egin dira, eta baita gizarte zibileko sareekiko elkarlana ere.

